

ARTICULUS III.

Utrum necessarium requiratur tres Episcopi ad unius consecrationem, adeo ut Summus Pontifex in eo dispensare non possit?

40 Dico primo: Omnino certum est, saltem ex constitutione Ecclesie, requiri ad minus tres Episcopos, ut unus consecratur. Patet tum ex praxi Ecclesie, tum ex Concilio Carthaginensi 4. cap. 2. ubi sic dicitur: Episcopus cum ordinatur, duo Episcopi ponant, & teneant Evangeliorum codicem super caput, & cetericem ejus, & uno super eum fundente benedictionem, reliqui omnes Episcopi qui adsunt, manibus suis caput ejus tangant. In hunc sensum Chrysostronus, Oecumenius, Theodoretus, Theophylactus, & alii SS. Patres explicant verba illa Apostoli 1. ad Timoth. 4. cum impositione manuum Presbyterii, idest ceteris Seniorum, seu Episcoporum, qui manus supra consecrandum imponunt.

41 Confirmatur ex facto Apostolorum, nam, ut refert Anacletus Epist. 2. Jacobus primus Hierosolymorum Episcopus, ordinatus fuit a Petro, altero Jacobo, & Joanne, ejus ordinationi assistentibus & cooperantibus, quo facto formam (inquit Pontifex) dederunt successoribus suis, ut non minus quam a tribus Episcopis, reliquisque omnibus assensum prebentibus, ullatenus Episcopus ordinaretur. Unde Damasus Papa Epist. 4. ut probet illos Chorepiscopos, qui ab uno tantum Episcopo consecrati erant, non posse ullum munus Episcopici valide obire, subdit: Quod enim Episcopi non sint, qui minus quam a tribus sunt ordinati Episcopi, omnibus patet. Item Joannes III. in Epistola ad Episcopos Germanie, & Gallie: Omnia quoque, inquit, magna Concilia affirmant, eum non esse Episcopum, qui minus quam a tribus Episcopis, auctoritate etiam Metropolitanorum, fuerit factus. Et Concilium Regiense cap. 10. ait, Canones debent irritam esse ordinationem Episcoporum, quam pauciores quam tres Episcopi faciunt.

42 Dices: Canone 1. Apostolorum dicitur, Episcopum debere a duobus vel tribus ordinari: Ergo tres non sunt necessarii.

Respondendo, hoc ita intelligendum esse, quod Episcopus debeat ordinari a duobus vel tribus, preter ipsum Metropolitanum, qui presupponitur necessario debere adesse, atque ita Episcopum a tribus ad minus ordinari debere.

Dico secundo: Probabilis est, non posse ex dispensatione Summi Pontificis, unicum Episcopum alium consecrari. Est contra Valquez, Conink, Amicum, & alios Recentiores.

43 Probatur: Non potest Summus Pontifex dispensare in his que sunt de jure divino, sive ex Christi institutione: Sed ex Christi institutione habemus, quod consecratio Episcopii fieri debeat non minus quam a tribus Episcopis: Ergo in hoc Summus Pontifex dispensare nequit. Major constat, Minor vero probatur primo ex Epistola Aniceti Papae ad Episcopos Gallie cap. 1. ubi postquam retulit verba Anacleti dicentis in Epist. 2. decretali Hierosolymorum primum Episcopum B. Jacobum, qui iustus dicebatur, a Petro, Jacobo, & Joanne Apostolis fuisse ordinatum, ista subiungit: Si autem non minus quam a tribus Apostolis, tantus fuit ordinatus Episcopus, patet profecto eos formam, INSTITUENTE DOMINO, tradidisse, non minus quam a tribus Episcopis, Episcopum ordinari debere. Ubi expresse dicitur Apostolos hanc formam ordinandi

Episcopum, non minus quam per tres alios, nobis tradidisse ex institutione Domini sive Christi.

Probatur secundo eadem Minor, ratione destruentis precipuum fundamentum doctrine Adversariorum: Si tres Episcopi ex statuto solum Ecclesie, non vero etiam ex Christi institutione, requirerentur ad consecrationem alterius, maxime, quia ut ipsi contendunt, preter unum, alii duo, solum ad testimonium ordinati requiruntur tanquam assistentes, ne videlicet tyrannica unius Episcopii auctoritas, aliquid contra fidem Ecclesie tenet: Sed falsum est quod ex tribus Episcopis concurrentibus ad consecrationem quarti, duo ut testes solum, & non etiam ut consecrantes concurrant; alias enim non deberent simul cum ordinante ea facere in quibus, ex Patrum sententia, consecratio Episcopii essentialiter consistit; nimis manus imponere capiti ordinandi & dicere: Accipite Spiritum Sanctum &c. sicut faciunt, sed tantum sua presentia huic ordinationi adesse: Ergo &c.

Contra istam conclusionem obijcit primo liber Constitutionum D. Clementis cap. 27. alias 33. ubi dicitur, quod si necessitas urgeret (Episcopum) ab uno ordinari, quod propter persecutionem, aut aliam causam, plures adesse non possent, asseratur decretum commissis plurium Episcoporum: Ergo censet in casu necessitatis unicum Episcopum alium posse consecrari.

Verum hoc non urget, quia constat libros constitutionum Clementis Romani variis in locis fuisse corruptos, locum vero citatum fuisse ex corruptis, colligitur primo ex eo quod idem Clemens ante verba relata refert hac verba Simonis Apostoli: Ego Simon Cananus confitens a quatuor Episcopis debeat ordinari Episcopus, scilicet a duobus, aut tribus. Si enim hac constitutio Apostolica vere esset, falsum esset: ex constitutione Ecclesie & Apostolorum, requiri ad minus tres Episcopos, ut unus consecratur; duo enim fuissent, etiam de lege ordinaria, quod non admittit Adversarii, & falsum esse constat ex dictis in prima conclusione. Secundo ex eo quod verba illa Clementis, Asseratur decretum commissis plurium Episcoporum, supponant, non tantum Summum Pontificem, sed alios etiam inferiores Episcopos posse facultatem concedere quod ab uno solum Episcopo consecratur: quod ipsi Adversarii non admittunt, facultatem hanc solum Summo Pontifici, cui totius Ecclesie regimen commisit esse, concedentes.

Obijcit secundo: Gregorius Magnus concessit Augustino, Anglorum Episcopo, ut ipse solus Episcopum consecraret, donec essent plures qui simul possent alios ordinare, ita enim legitur inter ejus decreta, in responsionibus ad interrogationes Augustini c. 9. que sunt in tomo 2. Conciliorum: Ergo ex dispensatione Summi Pontificis, unicum Episcopum alium consecrari potest.

Respondendo, quod licet hoc factum D. Gregorii ita habuerit tom. 2. Conciliorum Sarii, locum tamen esse mendosum, aperte colligitur, tum ex contextu totius capituli, in quo multa sunt sine sensu; tum ex responsione ipsius D. Gregorii ad eundem Augustinum Anglorum Episcopum, que habetur in fine libri duodecim Epistoliarum Registri sic enim legitur: Et quidem etiam in Anglorum Ecclesia, in qua adhuc tu solus Episcopus inveniris, ordinare Episcopum aliter nisi cum Episcopis potes; nam quando de Gallia Episcopi veniunt, illi in ordinatione Episcopii testes tibi assistant. Quae verba sententiam nostram probant & valide confirmant. Si enim posset Summus Pontifex dispensare in jure requirente tres Episcopos ad consecrationem Episcopii, omnino credibile est, quod D. Gregorius in tanta necessitate dispensasset.

TRACTATUS OCTAVUS DE SACRAMENTO MATRIMONII.

Ad Questionem 41. Supplementi, & alias sequentes.

P R Æ F A T I O.



ISI & Theologi plurimi soleant de Matrimonii Sacramento tractatum praetermittere, quod ad Jurisprudentiam & Canonistas pertinere magis quam ad Theologos videatur: actamen rem gratam Lectoribus me facturum existimavi, si ceteris Theologis etiam hunc adjungerem, ut Theologia nostra velut integro corpori pars nulla desset, & difficultates, que plurimae in hoc Tractatu & graves occurrunt, de quibus jus est Theologi, ut pronuntiet, & suam sententiam proferat, eodem ordine, eadem methodo, sicut D. Thomas principii explicatas, studiosè doctrinè Thomistica reperirent. Nec vero adeo facilem hanc tractationem quis existimet, ut non opus sit Theologici & Scholastici laboris & acuminis diligentiam, & solertiam adlocare; cum Augustinus lib. 1. de adulterinis conjugiiis, quem merito inter Ecclesie Patres & Doctores, acuminis, & ut ingenii, aquilam dixerit, adeo difficilem existimaverit, ut ita

de se dixerit aliquando: Questionem de conjugio obscurissimam & implicatissimam esse non scio, nec audeo profiteri, omnes sensus ejus, vel in hoc opere, vel in alio, me adhuc explicasse, vel jam posse, si urgeat, explicare. Sed obscuritas & difficultas non exigua accidit argumenti dignitas, que sane exigit, ut inter sacra Theologiae tractationes hac de Matrimonio recensentur: cum hic Sacramentum plures artes habeat, quibus alii Ecclesie Sacramentum praestantius esse, ea superat, & ab Apostolo Sacramentum magnum dici patuit in Christo & Ecclesia. Nemo nescit plurima esse, & commendatione dignissima, que conjugium habet, ut natura bonum, ut individua duorum societas, ut civilis contractus, & totius humani generis fons, que postissimum Jurisconsulti spectant, quibus ad eam & primi federis, unde cetera inter homines factura originem ducunt, necessitatem, & honestatem attollunt. Sapienter Julianus Imperator Novella 22. dixit: Matrimonium sic esse honestum, ut humano generi videatur immortalitatem artificiosam introducere, & ex filiorum procreatione renovare genus humanum. Et Justinus in minor Novella 2. conjugii familiaris sollem, civitates frequentiam, & Republicas salutem debere dixit: Nihil, inquit, in rebus mortalium perinde venerandum est atque Matrimonium, quippe ex quo liberi, omnique decentis foliolis rites exsultat, quo regiones, quo regiones, atque civitates frequentes reddat, inde denique optima Reipublicae coagmentatio fiat. Demum Plato lib. de Legibus. Oportet, inquit, parentes gignere, & educare liberos, qui vitam tanquam lampadem posteris tradant, ut sint semper aliqui Deum colentes, juxta ipsius legem. Neque enim dignitatem conjugii SS. Patres praeterunt. Ambrosius sacralitatem parientium, divinum munus esse dixit, quod debent parentes gratias agere, quia generaverunt; filii, quia geniti sunt, sibi & religionis Sacramentorum particeps futuri; patres, quia conjugii praemis in suscipere prole honorantur. Unde (inquit lib. 1. in Lucanum) aequum est, ut in Dei laudem vertet terra, quia colitur; mundus, quia cognoscitur; Ecclesia quia devote numero plebis augetur. Quin etiam si quis a D. Cyrillo Alexandrino lib. 2. in Joan. cap. 2. postulet; cur existimaverit, Christum virginitatis prolem, Virginem genitum, Cane nuptis interesse voluisse; hanc potissimum rationem reddet: Ut nativitas nostra principium, quantum ad carnem attinet, sanctificaret. Exigebat enim ipsa carnis propagatione accepta infirmitas, eum qui totam naturam hominis in meliorem ac feliciterum statum reparabat, non solum natis jam hominibus benedicere, Verum etiam nascituris gratiam preparare, & aditum illorum ad hanc mortalem vitam, & auctoritate miraculi, & suae majestatis presentia consecrari.

Hac sane praestantissima sunt: hac praeterea conjugiorum commendatio, si vel ea solum qua intra naturam limites habent, in mortalitatis subsidium, Reum publicorum salutem, civitatum frequentiam, & ad faciendam hominum federa, suis laudibus celebrantur. Sed quam multis partibus hac infra eam commendationem facient, qua Apostolus Matrimonium dixit magnum Sacramentum in Christo, & Ecclesia! Hac una est singularis, & ingenii laudum, & commendationis materia, qua cetera Ecclesie Sacramenta, Matrimonii Sacramentum superat, & longe antecedit. Non negaverim equidem Sacramentum Matrimonii, ut signum praetium, & efficacem causam gratiae, infimum inter Sacramenta gradum tenere, & parum ad spirituales, & caelestis vitae officia, ad qua Sacramenta ordinantur, asserere. Verum nemo etiam negat, ut signum praecipuum, & Sacramentum rerum symbolum, cetera Sacramenta superare, ipsaque sanctius esse, triplici significatione, qua praecipua Religio, & fidei dei mysteria representat. In primis enim fidelium conjugium, quod (ut inquit Tertullianus Oses 1.) Ecclesie conciliat, confirmat oblatio (scilicet Missa Sacrificium) & obsequant Angeli, sacrum signum est castissimi federis, & unionis Dei cum anima, quam sibi per fidem desponsare Scriptura dicit; cui doti nomine virtutes, & caelestia charismata, atque ipsum dotorum auctorem Spiritum Sanctum infundit. Sed praeterea Sacramentum est in Christo & Ecclesia, & symbolum federis, quo Ecclesiam Christus suo Sanguine mundatam, & desertis maculis, gloriosam sibi sponsam conjunxit. At demum Matrimonium, quo utriusque conjugis fit una caro, eximitam illam & singularem unionem significat, qua Verbum naturam humanam sibi vinculo nunquam solvendo copulavit, quo bonorum ac malorum fit hinc inde communio, & ex utroque Deo & homine una Persona conjungit. Quis negat significationem hujus triplicis unionis, & federis, cujus Matrimonium symbolum est, cetera Religio, nostra Sacramenta superare, & mysteriorum, que maxima sunt, & fides docet, imaginem exhibere? Verum id maxime congruum erat, atque ipsa conjugii conditio, qua suapte natura & usu hominem deprimit, suo quodammodo jure possulat, ut eam depreffionem Sacramenti magnitudo compensaret, & erigeretur animus caelestium rerum contemplatione, quarum conjugium sacrum signum institutum est. Atque hanc forsitan divini consilii rationem fuisse, nec temere suspicari licet, cum Deus mulierem, postea comitio copulavit, quo bonorum ac malorum fit hinc inde communio, in Adamum solum immisit, ipsi in extasim rapuit, & ut Augustinus dicit, Angelica curia participat effecti. Cur enim Adamus, cum futura ipsa sponsa paratur, ad caelestem curiam evehitur, caelestem parit, & ordinibus interest, & nisi clara Dei visione fruatur, quod quidam arbitrantur, divino lumine, & prophetia pari, perfunditur, fideique Sacramenta edocetur? Hoc scilicet primo connubio debebat, ne primus homo mysteria nesciret quorum conjugium jamjam incedendum, symbolum futurum erat, & agnosceret illud unionem triplicem, triplexque fedus representare, Verbi cum natura humana, Christi cum Ecclesia, Dei cum anima, quam sibi hic per fidem desponsat, in calis clara visione aeternum copulat. Hac praecipua sunt (AMICE LECTOR) que in Tractatum de Sacramento Matrimonii, quodam veluti praevisione visum est praetermittere, antequam ad ea, que majorem operam postulant, properarem.

DISPUTATIO PRIMA.

De Matrimonio secundum se.

Ad questionem 41. Supplementi.



UM Matrimonium considerari possit, vel ut contractus civilis est, & in officium nature institutum; vel ut institutione & auctoritate Christi, ad esse Sacramenti, animoque conjugum sanctificandos, eventum; secundum utraque rationem de eo nobis in hoc Tractatu agendum est; cumque prior consideratio ut fundamentum presupponatur ad posteriorem, & prius sit (ut ait Apostolus) quod est animale, quam quod est spirituale, de Matrimonio ut est in officio nature prius agemus, deinde illud, ut sacramentum est, considerabimus.

ARTICULUS PRIMUS.

Quid sit Matrimonium, seu in quo formaliter & quidditative consistat?

S. I.

Quibusdam promissis, difficultas resolvitur.

MATrimonium a matre dicitur, quod non ab alia debet femina habere, quam ut mater fiat, ut ait D. August. lib. 19. contra Faustum cap. 26. Et a matre potius quam a patre nuncupatur, eo quod in prole suscipienda, & educanda, mater plus opere impendat, ut habetur in cap. Ex litteris, de conversione infidelium. Unde dicitur Matrimonium, quasi matris munium, eo quod femine per contractum Matrimonii imponatur manus educandi prolem. Vel, ut alii volunt, dicitur Matrimonium, quasi matrem muniens, quia uxor per Matrimonium acquirit virum, qui munatur. Vocatur etiam conjugium, eo quod duos sub eodem veluti iugo societatis perpetue conjungat. Demum appellatur connubium, & nuptia, a velo quo ex antiqua ceremonia teguntur virgines, & obnubantur, quando maritis traduntur, vel quia in ipsa solemnitate desponsationis, velamine teguntur conjuges, cum benedictionem nuptialem accipiunt. Id quod antiquissimam consuetudinem esse alicui ex Scriptura colligunt: cum enim Abimelech Saram fororem Abrahæ esse existimans, sibi accepisset uxorem, & postea a Domino correptus, uxorem esse agnovisset, illamque marito redderet, ei dixit: Ecce mille argenteos dedi fratri tuo, hoc erit in velamen oculorum ad omnes qui tecum sunt, & quocumque perrexeris, memento te deprehensam. Incedebat quippe Sara solutis crinibus, more virginum, quare ut non virgo, sed uxor esse cognoscere, dedit ad emendam sibi velamen quo operiretur, conjugatarum more, mille argenteos, ne alius fororem esse putans deciperetur.

Porro cum Matrimonium sit contractus inter virum, & feminam, ad prolem gignendam inuis, plura ad sui integritatem, & constitutionem requirit, nempe mutuum viri & femine consensum, externo signo manifestatum; mutuum sui corporis in alium traditionem, & quod inde sequitur, mutuum utriusque in corpus alterius jus, & potestatem eo utendi in omnem usum lege maritali sibi concessum; mutuum utriusque obligationem ad debitum conjugale ex iustitia reddendum; & demum conjunctionem quandam seu vinculum animorum utriusque conjugis, quod ex mutua eorum obligatione resultat, & utrumque conjugem ligat, ad illud nunquam, quamdiu vixerint, dissolvendum, juxta illud Apostoli 1. ad Corint. 7. Mulier (eadem ratio est de viro) alligata est legi, quanto tempore vir ejus vivit. Quæritur ergo, in quo illorum Matrimonium formaliter & quidditative consistat? Pro resolutione.

Dico breviter, Matrimonium formaliter & quidditative consistere in vinculo illo, quo formaliter conjuges sunt uniti, resultante ex mutua eorum obligatione, seu ex mutuo jure & potestate quam ex mutua traditione uterque conjugum habet in corpus alterius. Ita communiter Theologi cum D. Thoma infra qu. 44. art. 1. contra Palatium in 4. dist. 27. disput. 1. afferentem in ipsa actione contrahendi, ut consentire conjugibus mutuum jus & dominium in corpora, consistere Matrimonii essentiam.

Probatur conclusio, discurrendo per singula supra recensita, & demonstrando in nullo eorum, præterquam in ultimo, nempe vinculo illo, quo utriusque conjugis animi sunt conjuncti, Matrimonium consistere formaliter. Et in primis quod non consistat formaliter in consensu utriusque conjugis, sive in actu contrahendi, quo conjuges sua corpora sibi mutuo tradunt, videtur manifestum.

stum, quidquid dicit Palatius: tum quia talis consensus, & traditio est causa efficiens Matrimonii, subindeque propat esse causam formalem illius; causa enim formalis intrinseca est, efficiens vero inter extrinsecas computatur. Tum etiam quia adhuc cessante mutuo consensu utriusque conjugis, actualique traditione sui corporis in alterum, perseverat Matrimonium, ut effectus a sua causa realiter distinctus. Nec valet si dicas, quod licet consensus actualis transeat, remanet tamen, & moraliter perseverat consensus habitualis, ac proinde in eo consistere potest formaliter Matrimonium. Nam tamen conjuges primum suum consensum retractant, adhuc inter eos Matrimonium perseverat, cum tamen in eis non permaneat habitualis consensus, qui per subsequentem dissolutionem revocatus est.

Quod vero Matrimonium non consistat formaliter in mutuo jure utriusque conjugis in corpus alterius, vel in obligatione mutua ad debitum conjugale, non minus certum videtur: tum quia tale jus & obligatio cessant, alterius conjugis adulterio, vel ingressu religionis, ex communi consensu, manente Matrimonii consummati vinculo: tum etiam quia inter B. Virginem, & B. Josephum fuit verum Matrimonium, quamvis perpetuo impedita obligatione reddendi debitum conjugale. Non potest ergo formaliter consistere Matrimonium, nisi in vinculo illo, quo formaliter conjuges sunt uniti, resultante ex mutua eorum obligatione.

Confirmatur: In eo formaliter consistit Matrimonium, quo posito ponitur, & quo ablato auferitur, juxta regulam quam tradunt Philosophi, ad indagandas rerum essentias: Sed posito vinculo illo, quo utriusque conjugis animi sunt conjuncti, ponitur Matrimonium, & eo ablato auferitur: Ergo in eo essentia Matrimonii consistit. Unde definitur a Jurisconsultis §. 1. Infit. de patria potest. & a Canonistis cap. illud; de presumptionibus, & 27. qu. 2. §. 1. Maris & femine conjunctio, individuum vite consuetudinem retinens. A Scholasticis vero cum Magistro in 4. dist. 27. cap. 1. Viri mulierisque conjunctio maritalis, inter legitimas personas, individuum vite consuetudinem retinens. Dicitur viri mulierisque conjunctio, quia cum Matrimonium ordinetur ad prolem gignendam, necessario est inter virum & feminam, ut inter subjecta sola ad hanc finem idonea. Unde Deus ab initio non duos viros, aut duas feminas, sed virum & feminam procreavit. Additur inter legitimas personas, quia omnes persone non sunt habiles ad Matrimonium contrahendum, scilicet ad gerendum impotentes, cum alio vel alia Matrimonio ligati, aut quovis alio seu naturali seu positivo vinculo impediti. Demum ultima verba explicant distinctionem Matrimonii ab aliis unionibus sive conventionibus, ex aliis contractibus ortis, quæ ex mutuo consensu tolluntur, cum tamen Matrimonium sit insolubile.

Ex his inferes cum D. Thoma infra quæst. 44. artic. 1. in argumento sed contra, Matrimonium esse in genere relationis, quæ recte explicatur per ly conjunctionem, ut per genus, & per ly maritalem, ut per differentiam. Hac vero relatio est disjunctiva, cum unus conjugum ad hanc conjunctionem concurrat, ut principium activum, alter ut passivum; unde est multiplex ex parte subjecti, quamvis ex parte termini & finis sit simplex & unica; unus quippe est utriusque maritalis conjunctionis finis, perfecta nimirum proles generatio. Secundum quod est multiplex ex parte subjecti, significatur his nominibus uxor & maritus; secundum autem quod una, significatur hoc nomine Matrimonium, ut ait S. Doctor ibidem in solutione ad 3.

S. II.

Subvertuntur objectiones.

Contra istam conclusionem objicit primo: Matrimonium consistit in fieri, non in facto esse, sicut alia Sacramenta in usu consistunt: Ergo consistit in mutuo consensu conjugum, non autem in vinculo maritali, ex mutuo eorum consensu resultante, cum tale vinculum sit quid permanens.

Sed facile respondetur, quod licet Matrimonium, quo ad suam causam efficientem, consistat in fieri, seu in aliquo transiente, nimirum in mutuo consensu conjugum quoad suam tamen quidditatem, & rationem formalem, & quantum ad id quod est res & Sacramentum simul, consistit in aliquo permanenti, scilicet in vinculo ex mutuo conjugum consensu resultante; cum cessante mutuo consensu utriusque conjugis, adhuc Matrimonium perseveret.

Objicitur secundo: Sacramentum debet consistere formaliter in aliquo sensibili: sed vinculum illud quo formaliter conjuges sunt uniti, non est sensibile, cum sit relatio, quæ non est accidens sensibile: Ergo Matrimonium non potest consistere formaliter in vinculo conjugali.

Respon-

Respondeo ex D. Thom. infra qu. 44. art. 1. ad 2. quod quamvis ipsa relatio non sit sensibile accidens, tamen causa ejus possunt esse sensibiles, nec in Sacramento requiritur quod sit sensibile illud quod est res & Sacramentum; hoc enim modo se habet in hoc Sacramento prædicta conjunctio, sed verba experimentia consensum, quo sunt Sacramentum tantum, & causa prædicta conjunctionis, sunt sensibilia.

Objicitur tertio: In eo formaliter consistit Matrimonium, quo posito ponitur, & quo ablato auferitur, ut supra dicebamus: Sed posito consensu mutuo conjugum, & jure quod per illum quilibet illorum acquirit in corpus alterius, ponitur Matrimonium, eoque sublato, auferitur: Ergo in tali consensu & jure, Matrimonium consistit formaliter.

Respondeo distinguendo Majorem: In eo formaliter consistit Matrimonium, quo posito, tanquam principio formali & constitutivo ponitur, concedo Majorem. Quo posito tanquam principio radicali solum, & fundamentali, nego Majorem; & per eadem distinctionem Majoris, nego Consequentiam. Sicut ergo posita generatione, ponitur paternitas in generate, & ea sublata tollitur, non quia paternitas consistit formaliter in generatione, sed quia ab ea ut a fundamento dependet & conservatur quoad existentiam; ita similiter, posito mutuo conjugum consensu, & jure quod per illum quilibet illorum acquirit in corpus alterius, ponitur Matrimonium, & eo ablato, auferitur, non quod in eo formaliter consistat, sed quia ab illo radicaliter, & fundamentaliter pendet.

Objicitur quarto: In eo Matrimonii essentia consistit, quod assumitur a Deo tanquam instrumentum ad causandam gratiam in animis conjugum; sed vinculum conjugale ad talem gratiam causandam non assumitur, cum enim sit relatio, ut supra ex D. Thom. dicebamus, non potest aliquid efficere, etiam præcise ut instrumentum: Ergo essentia Matrimonii non consistit in vinculo conjugali.

Respondent aliqui recentiores Thomistæ, negando Minorem, & ad illius probationem dicunt, quod licet relatio naturaliter non sit activa, etiam præcise ut instrumentum, bene tamen supernaturaliter, & per ordinem ad potentiam Dei absolutam; potest enim, inquit, Deus quilibet ente in rerum natura existente, quantumvis minimo, & relativo, ut tanquam instrumento ad producendum quodcumque voluerit.

Sed hæc solutio displicet, & facile confutari potest; cum enim instrumentum sit in genere causa efficiens, implicat quod Deus assumat ut instrumentum ad producendum effectum aliquem supernaturalem, aliquid quod nullo modo est activum; unde Deus nec materiam primam, nec quantitatem, ut instrumenta assumere potest, eo quod illa non sunt activa, ut communiter docent Philosophi: Ergo cum etiam relatio omnis activitatis sit exers, non potest assumi a Deo ut instrumentum ad producendum gratiam.

Confirmatur: Omne instrumentum ex virtute sibi propria debet habere actionem præviam, per quam fiat capax ut elevetur a causa principali, ad producendum ejus effectus, ut docent communiter nostri Thomistæ in secundo physiorum: Sed quod nullo modo est activum, non potest ex viribus propriis talem actionem præviam elicere, ut de se constat: Ergo nec assumi a Deo ut instrumentum ad causandam gratiam. Hac ergo solutione prætermittitur.

Respondeo negando Majorem; ut enim recte ait Soto in 4. dist. 26. quæst. 2. artic. 3. non semper requiritur, quod Sacramentum gratiam causet, per suam quidditatem, & per id quod est res, & Sacramentum simul; sed sufficit quod illam conferat per suam causam efficientem, & per id quod est Sacramentum tantum; subindeque sufficit quod in Matrimonio mutuum conjugum consensum, qui est causa efficiens illius, & Sacramentum tantum (ut disputatio sequenti dicemus) assumatur ut instrumentum ad causandam gratiam sacramentalem in animis conjugum.

ARTICULUS II.

Virum homo solum habeat naturalem inclinationem ad Matrimonium, sed etiam præceptum de usu illius, & quales sit, & quos obliget tale præceptum?

S. I.

Quatuor conclusionibus difficultates istæ resolvuntur?

Dico primo: Homo naturaliter inclinatur ad Matrimonium. Ita D. Thom. hic art. 1. in corp. Probatur ratione quam ibidem infinit: Sicut homo naturaliter inclinatur ad conservationem sui ipsius, ita etiam, immo magis, ad conservationem propriæ speciei; quia bonum speciei est universalius, quam bonum individui; sed Matrimonium est medium necessarium ad conserva-

tionem speciei in esse rationali; quia licet per fornicationem, & vagum concubitum, possit species multiplicari & conservari in esse naturali, non tamen in esse rationali; eo quod ex simplici fornicatione regulariter, ut plurimum, & per se loquendo, sequatur mala educatio proles: Ergo homo habet naturalem inclinationem ad Matrimonium, velut ad convenientem speciem suæ conservationem & propagationem: Natura enim (inquit S. Doctor in resp. ad 4.) non solum intendit esse in prole, sed etiam esse perfectum, ad quod requiritur Matrimonium. Unde contractus Matrimonii est de jure naturali, nempe quia naturali instinctu constitutum est, ut habetur in principio Digestorum, ubi sic dicitur: Jus naturale est, &c. Hinc descendit maris & femine conjunctio, quam nos Matrimonium appellamus. Et in cap. Jus naturale dist. 1. sumpto ex Lisdoro lib. 5. Etymologiarum cap. 4. sic habetur: Jus naturale est commune omnium nationum, eo quod ubique instinctu natura, non constitutione aliqua habetur, ut viri & femine conjunctio.

Dico secundo: Matrimonium non solum est ex inclinatione & instinctu natura, sed etiam cadit sub præcepto. Ita communiter Theologi, excepto Michaelæ Medina 1.4. de sacrorum hominum continentia, contr. 2. ubi docet nullum extare præceptum de Matrimonio.

Probatur breviter conclusio: Media maxime necessaria propter finem maxime intantum a natura, sunt de præcepto, ut patet in sumptione cibi, quæ quia est maxime necessaria ad conservationem individui a natura intentam, cadit sub præcepto: sed Matrimonium est medium maxime necessarium, propter finem maxime intantum a natura, scilicet propter propagationem generis humani in esse rationali, ut constat ex dictis conclusionibus præcedentibus: Ergo Matrimonium non solum est ex instinctu & inclinatione natura, sed etiam cadit sub præcepto.

Dico tertio, præceptum de Matrimonio non esse positivum, sed naturale. Est contra Scotum in 4. dist. 26. qu. 1. ubi fatetur quidem dari præceptum de Matrimonio, sed negat quod sit præceptum naturale.

Probatur primo conclusio ratione fundamentali: Qui intendit finem, præcipit medium necessarium ad ipsam: Sed natura intendit propagationem generis humani, ut enim propagaretur, diversum sexum constituit in specie humana, quod non fecit in Angelis; in celo enim non est Angelus & Angeli, ut belle Tertullianus ait; cum enim Angeli sint incorruptibiles, propagatio non indiget: Ergo natura præcipit Matrimonium, quod est medium ad propagationem generis humani necessarium.

Confirmatur: Ideo præceptum de sumendo cibum, est 23 juris naturalis, quia finis talis sumptionis, scilicet conservatio individui, intenditur a natura: Atqui similiter finis Matrimonii, videlicet conservatio speciei humane in esse rationali, est intentus a natura; immo magis natura eam intendit, quam conservationem individui; quia, ut supra dicebamus, bonum speciei est universalius, quam bonum individui: Ergo præceptum de Matrimonio est juris naturalis.

Probatur secundo: Præceptum de Matrimonio non est 23 abrogatum in lege gratiæ: Ergo non est præceptum positivum, sed naturale. Antecedens est certum, & docetur a D. Thom. hic art. 2. ad 1. Consequentia vero probatur. Nullum est assignabile præceptum positivum, vel legis nature, vel legis scriptæ, quod non cessaverit in lege Evangelicæ; solum enim naturalia pertinentia ad mores, & supernaturalia fidei perseverant: Ergo si præceptum de Matrimonio non sit abrogatum in lege gratiæ, non est positivum, sed naturale.

Dico quarto: Præceptum de Matrimonio, pro tempore 24 necessitatis, quia paucitas hominum exigeret ut quilibet generationi vacaret, primo & per se obligaret Republicam, & rectores illius, ut nimirum aliquos cogere ad nubendum; secundario vero obligaret etiam singulos in particulari, ut per Matrimonium bono communi subvenirent; extra casum vero necessitatis, & quando sufficienter est propagatum genus humanum, tale præceptum nec singulos in particulari, nec ipsam Republicam, vel ejus rectores obligat.

Prima pars patet: nam finis Matrimonii, nimirum propagatio & conservatio speciei, est bonum commune: sed Republica & ejus rectores per se respiciunt bonum commune: Ergo per se primo ad illos spectat curare ut in casu necessitatis aliqui Matrimonium contrahant, & per ejus alium bono communi propagationis & conservationis speciei subveniant.

Secunda vero pars hæc ratione susdetur: Propagatio 25 generis humani est magis necessaria, quam defensio Republicæ: At singuli in particulari tenentur Republicam tueri in casu extreme necessitatis: Ergo multo magis tenentur omnes in particulari ad contrahendum Matrimonium in casu necessitatis, ad conservationem speciei, & propter bonum commune. Unde initio mandi post divinum, præceptum de Matrimonio singulos in particulari obligabat. Nunc vero, sufficienter multiplicato hu-

natur





